

სახელმწიფო შესყიდვის შესახებ ხელშეკრულება #105
(CPV კოდი 34110000-მსუბუქი ავტომანქანები)

ქ. თბილისი

25 დეკემბერი 2019 წელი

ერთი მხრივ, *სსიპ „საქართველოს მეცნიერებათა ეროვნული აკადემია“* (შემდგომში შემსყიდველი) წარმოდგენილი მისი აკადემიკოს-მდივნის *რამაზ ხუროძის* სახით და მეორე მხრივ, *შპს „ჯი-თი მოტორს“* (შემდგომში მიმწოდებელი) წარმოდგენილი გენერალური დირექტორის *თემურ უსტიაშვილის* სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების და საქართველოს მთავრობის 2014 წლის 6 თებერვლის N121 დადგენილებით დამტკიცებული „სახელმწიფო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის წესის შესაბამისად, ასევე საქართველოს მთავრობის 2019 წლის 29 ნოემბრის #2487 და 2019 წლის 29 ივლისის #1692 განკარგულებების თანახმად, შემსყიდველის მიერ გამოცხადებული ელექტრონული ტენდერის #NAT190024030 შედეგების საფუძველზე, ვდებთ წინამდებარე ხელშეკრულებას შემდეგზე:

1. ტერმინთა განმარტება

1.1. წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. „ხელშეკრულება სახელმწიფო შესყიდვის შესახებ“ ნიშნავს „სახელმწიფო შესყიდვების შესახებ“ საქართველოს კანონისა და „სახელმწიფო შესყიდვების განხორციელების წესის შესახებ“ დებულების საფუძველზე შემსყიდველ ორგანიზაციასა და მიმწოდებელს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. „შემსყიდველი“ ნიშნავს ორგანიზაციას (დაწესებულებას), რომელიც ახორციელებს შესყიდვას.

1.1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ.

1.1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

1.1.6. „ინსპექტირება“ ნიშნავს შემსყიდველის მხრიდან ხელშეკრულების პირობების შესრულების კონტროლს და ზედამხედველობას.

2. ხელშეკრულების საგანი

2.1. წინამდებარე ხელშეკრულების საგანს წარმოადგენს ერთი ერთეული მე-2 კლასის მსუბუქი ავტომანქანის (მარკა/მოდელი: ფორდ ფოკუსი) შესყიდვა ელექტრონული ტენდერით #NAT190024030 გათვალისწინებული პირობების და მიმწოდებლის მიერ აღნიშნულ ტენდერში შემოთავაზებული ტექნიკური დოკუმენტაციის შესაბამისად.

2.2. წინამდებარე ხელშეკრულებით გათვალისწინებული მსუბუქი ავტომანქანის გამოშვების წელი, სრული აღწერილობა, რაოდენობა, ფასი და საერთო ღირებულება მოცემულია მიმწოდებლის შესყიდვის ობიექტის ტექნიკური და ხარისხობრივი პარამეტრების შესახებ ინფორმაციაში (დანართი 1) და ფასების ცხრილში (დანართი 2), რომლებიც წარმოადგენენ ხელშეკრულების განუყოფელ ნაწილს.

3. შესყიდვის ობიექტი

3.1. შესყიდვის ობიექტი: მსუბუქი ავტომანქანა (მარკა/მოდელი: ფორდ ფოკუსი).

4. შესყიდვის ობიექტის მიწოდების ვადები და ადგილი

4.1. შესყიდვის ობიექტის მიწოდების ვადა: ხელშეკრულების დადების დღიდან არაუგვიანეს 120 (ასოცი) კალენდარული დღე.

4.2. შესყიდვის ობიექტის მიწოდების ადგილი: ქ. თბილისი, რუსთაველის გამზირი #52, სსიპ „საქართველოს მეცნიერებათა ეროვნული აკადემია“.

5. ხელშეკრულების ღირებულება

5.1. ხელშეკრულების საერთო ღირებულებაა 47 417,50 (ორმოცდაშვიდიათასოთხასჩვიდმეტი ლარი და 50 თეთრი) ლარი (მიმწოდებლის სატენდერო წინადადების და ფასების ცხრილის შესაბამისად, ერთი ერთეული ავტომანქანის ღირებულებაა 47 417,50 ლარი, ხოლო ავტომანქანის ფლობის ღირებულებაა 66 700,00 ლარი).

5.2. ხელშეკრულების საერთო ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან, განბაჟებასთან, შემსყიდველის სახელზე გადაფორმებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

5.3. მხარეთა შეთანხმებით შესყიდვის ობიექტის - მსუბუქი ავტომანქანის თანმდევ საგარანტიო მომსახურებაზე გაფორმდება დამატებითი ხელშეკრულებები, მიმწოდებლის მიერ #NAT190024030 ელექტრონული ტენდერში ატვირთული ტექნიკური დოკუმენტაციის ცხრილი #2-ის პირობების გათვალისწინებით.

6. შესყიდვის ობიექტის ხარისხი

6.1. მიმწოდებელი იღებს ვალდებულებას, რომ მის მიერ მიწოდებული შესყიდვის ობიექტის ხარისხი უზასუხებს შემსყიდველის მიერ ელექტრონულად შევსებული სატენდერო დოკუმენტაციით (სატენდერო განცხადება #NAT190024030) და მიმწოდებლის მიერ ტექნიკური დოკუმენტაციით გათვალისწინებულ ტექნიკურ მახასიათებლებს და პარამეტრებს.

7. მიღება-ჩაბარების წესი

7.1. შესყიდვის ობიექტის მიწოდება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

7.2. მიღება-ჩაბარების აქტში უნდა მიეთითოს მიწოდებული შესყიდვის ობიექტის სრული დასახელება, რაოდენობა, ფერი და საერთო ღირებულება.

7.3. შესყიდვის ობიექტი მიწოდებულად ჩაითვლება მხოლოდ მიღება-ჩაბარების აქტის გაფორმების შემდგომ.

8. ანგარიშსწორების ფორმა, გრაფიკი და ვადები

8.1. ანგარიშსწორება მიმწოდებელთან განხორციელდება წინასწარი ანგარიშსწორების ფორმით, უნაღდო ანგარიშსწორებით, ლარებში, ამ ხელშეკრულებით გათვალისწინებული მიმწოდებლის საბანკო ანგარიშზე.

8.2. მიმწოდებელმა წინამდებარე ხელშეკრულების გაფორმებიდან 3 (სამი) სამუშაო დღის ვადაში შემსყიდველ ორგანიზაციას უნდა წარმოუდგინოს სახელმწიფო შესყიდვის შესახებ ხელშეკრულების საერთო ღირებულების 47 417,50 (ორმოცდაშვიდიათასოთხასჩვიდმეტი ლარი და 50 თეთრი) ლარის 100%-ის ოდენობით საბანკო გარანტია.

8.3. წინასწარი ანგარიშსწორებისთვის წარმოდგენილი საბანკო გარანტიის მოქმედების ვადა არანაკლებ 30 დღით უნდა აღემატებოდეს წინამდებარე ხელშეკრულებით გათვალისწინებული შესყიდვის ობიექტის მიწოდების ვადას.

8.4. შემსყიდველის მიერ წინასწარი ანგარიშსწორება განხორციელდება საბანკო გარანტიის წარმოდგენიდან არაუგვიანეს 10 (ათი) სამუშაო დღის ვადაში.

8.5. დაფინანსების წყარო: სსიპ „საქართველოს მეცნიერებათა ეროვნული აკადემიის“ 2019 წლის საკუთარი სახსრები.

9. მხარეთა უფლებები და ვალდებულებები

9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით;

9.2. შემსყიდველი ვალდებულია:

9.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

9.2.2. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება;

9.2.4. წერილობითი ფორმით დაუყონებლივ აცნობოს მიმწოდებელს მიწოდებულ შესყიდვის ობიექტზე აღმოჩენილი წუნის შესახებ.

9.3. შემსყიდველს უფლება აქვს:

9.3.1. ნებისმიერ დროს მოითხოვოს და გაეცნოს მიმწოდებლის მიერ იმ ეტაპისთვის მისაწოდებელ შესყიდვის ობიექტს;

9.3.2. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

9.3.3. მოსთხოვოს მიმწოდებელს ელექტრონული ტენდერის #NAT190024030 სატენდერო დოკუმენტაციით, მიმწოდებლის მიერ სისტემაში ატვირთული ტექნიკური დოკუმენტაციითა და წინამდებარე ხელშეკრულებით გათვალისწინებული პირობების შესრულება.

9.3.4. მიმწოდებლის მიერ წარმოდგენილი წინასწარი ანგარიშსწორებისათვის გაცემული საბანკო გარანტია გამოიყენოს, ამ ხელშეკრულებით ნაკისრი ვალდებულებების მიმწოდებლის მიერ მთლიანად ან ნაწილობრივ შეუსრულებლობისათვის, გამომდინარე წარმოშობილი ფულადი ვალდებულებების უზრუნველსაყოფად.

9.4. მიმწოდებელი ვალდებულია:

9.4.1. დროულად და კეთილსინდისიერად შეასრულოს ხელშეკრულებით და მისი დანართებით ნაკისრი ვალდებულებები;

9.4.2. დაიცვას ხელშეკრულებით გათვალისწინებული ყველა პირობა;

9.4.3. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;

9.4.4. ხელშეკრულების 4.1. პუნქტის შესაბამისად მიაწოდოს შემსყიდველს შესყიდვის ობიექტი;

9.4.5. მიღება-ჩაბარების აქტის გაფორმებამდე, შესყიდვის ობიექტზე შემსყიდველის მიერ რაიმე წუნის ან ნაკლის აღმოჩენის შემთხვევაში, შეტყობინების მიღებისთანავე, გონივრულ ვადებში განახორციელოს დროულად მისი გამოსწორება, შემსყიდველის მხრიდან რაიმე დამატებითი დანახარჯების გაწევის გარეშე, ხოლო მიღება-ჩაბარების აქტის გაფორმების შემდგომ რაიმე ქარხნული წუნის ან ნაკლის აღმოჩენის შემთხვევაში, აღმოფხვრას საგარანტიო მომსახურების პირობების შესაბამისად;

9.5. მიმწოდებელს უფლება აქვს:

9.5.1. მოსთხოვოს შემსყიდველს ამ ხელშეკრულებით ნაკისრი ვალდებულების შესრულებისათვის ანაზღაურება ხელშეკრულებით გათვალისწინებული პირობებით.

11. ხელშეკრულების შესრულების კონტროლი

11.1. შემსყიდველის მიერ ხელშეკრულების შესრულების კონტროლი განხორციელდება პერიოდულად როგორც შესყიდვის ობიექტის მიწოდების დროს, ისე ამ ხელშეკრულების მოქმედების პერიოდში შემსყიდველის მოთხოვნის შესაბამისად.

11.2. მიღება-ჩაბარების აქტის გაფორმებამდე შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული საქონლის შესახებ.

11.3. მიღება-ჩაბარების აქტის გაფორმებამდე გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, ამ ხელშეკრულებით გათვალისწინებული პირობებით და საქართველოს კანონმდებლობით დადგენილი წესით.

12. გარანტია

12.1. მიმწოდებელი იძლევა გარანტიას, რომ მის მიერ მიწოდებული შესყიდვის ობიექტი არ გამოავლენს დეფექტს, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ყველა დეფექტის და ნაკლის გამოსწორება, არ გამოსწორების შემთხვევაში მიმწოდებელი პასუხს აგებს საქართველოში მოქმედი კანონმდებლობით გათვალისწინებული წესით.

12.2. საგარანტიო მომსახურების ვადა და პირობები განსაზღვრულია მიმწოდებლის მიერ ატვირთულ სატენდერო წინადადებასთან ერთად სახელმწიფო შესყიდვების ერთიან ელექტრონულ სისტემაში, რომელიც წარმოადგენს წინამდებარე ხელშეკრულების განუყოფელ ნაწილს (დანართი 3).

13. ხელშეკრულებაში ცვლილებების შეტანა და ხელშეკრულების შეწყვეტა

13.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება წინამდებარე ხელშეკრულების ჯამური ღირებულება ან უარესდება წინამდებარე ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით

გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2. წინამდებარე ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

13.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მეორე მხარეს არანაკლებ 10 (ათი) კალენდარული დღით ადრე წერილობით.

13.4. წინამდებარე ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

13.5. წინამდებარე ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.6. შემსყიდველს შეუძლია მიიღოს გადაწყვეტილება წინამდებარე ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს წინამდებარე ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში.

13.7. წინამდებარე ხელშეკრულების შეწყვეტა შესაძლებელია მხარეთა შეთანხმებით ნებისმიერ დროს მისი მოქმედების განმავლობაში და და ასევე, ავტომატურად წყდება ხელშეკრულება

მხარეთა მიერ წინამდებარე ხელშეკრულებით ნაკისრი ვალდებულებების სრულად და ჯეროვნად შესრულებისას.

14. ფორს-მაჟორი

14.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.

14.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

15. მხარეთა პასუხისმგებლობა

15.1. მხარეების მიერ ხელშეკრულებით განსაზღვრული პირობების და ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

15.2. ხელშეკრულებით განსაზღვრული პირობების და ვალდებულებების შეუსრულებლობის შემთხვევაში, დამრღვევ მხარეს ეკისრება პირგასამტეხლოს გადახდა, სახელშეკრულებო ღირებულების 20%-ის ოდენობით.

15.3. ხელშეკრულებით განსაზღვრული პირობების და ვალდებულებების ნაწილობრივ შესრულების შემთხვევაში, დამრღვევ მხარეს ეკისრება პირგასამტეხლოს გადახდა, შეუსრულებელი (დარჩენილი) ვალდებულების შესაბამისი ღირებულების 10%-ის ოდენობით.

15.4. ხელშეკრულებით განსაზღვრული პირობების და ვალდებულებების არაჯეროვანი შესრულების (მათ შორის, ვალდებულების შესრულების ვადაგადაცილების დროს) შემთხვევაში, დამრღვევ მხარეს ეკისრება პირგასამტეხლოს გადახდა, ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,02 პროცენტის ოდენობით.

16. დავები და მათი გადაწყვეტის წესი

16.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

17. ხელშეკრულების შესრულების შეფერხება

17.1 თუ ხელშეკრულების შესრულების პროცესში მხარეები წააწყდებიან რაიმე ხელშეშმულ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;

17.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების 13.2. პუნქტის შესაბამისად.

18. ხელშეკრულების მოქმედების ვადა

18.1. ხელშეკრულება ძალაში შედის ხელშეკრულების დადებიდან და მოქმედებს 2020 წლის 30 ივნისის ჩათვლით, გარდა ამ ხელშეკრულების მე-12 მუხლისა.

19. სხვა პირობები

19.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

19.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.3. ხელშეკრულება შედგენილია ქართულ ენაზე, ერთ ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-4 პუნქტის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმოწერ მხარეებთან.

20. მხარეთა რეკვიზიტები და ხელმოწერები

„შემსყიდველი“


სსიპ „საქართველოს მეცნიერებათა
ეროვნული აკადემია“

მისამართი: ქ. თბილისი,
რუსთაველის გამზირი #52
ტელ.: (+995 032) 2997372;
ელ. ფოსტა: zhvanialali@yahoo.com
ს/კ 203851536
სახელმწიფო ხაზინა
სახაზინო კოდი TRESGE22
ანგარიშის #708777019

„მიმწოდებელი“

შპს „ჯი-თი მოტორს“

მისამართი: ქ. თბილისი,
დავით აღმაშენებლის ხეივანი #155
ტელ.: (+995) 2595000
ელ. ფოსტა: d.kordzaia@gtgroup
ს/კ 206276340
სს „საქართველოს ბანკი“
ბანკის კოდი BAGAGE22
ანგარიშის #GE89BG0000000247624300


/რამაზ ხუროძე/

/თემურ უსტიაშვილი/


ინფორმაცია ინტერესთა კონფლიქტის შესახებ

ქ. თბილისი

25 დეკემბერი 2019 წელი

„სახელმწიფო შესყიდვების შესახებ“ საქართველოს კანონის მე-8 მუხლის მოთხოვნათა გათვალისწინებით, 2019 წლის 25 დეკემბრის სახელმწიფო შესყიდვის შესახებ #105 ხელშეკრულებაზე ხელმომწერი, სრულად ვაკმაყოფილებ კანონის ამ მოთხოვნას და არ ვიმყოფები ინტერესთა კონფლიქტში მიმწოდებელთან შპს „ჯი-თი მოტორს“-თან.

აკადემიის აკადემიკოს-მდივანი: -----



/რამაზ ხუროძე/

შესყიდვის ობიექტის ტექნიკური და ხარისხობრივი პარამეტრები

შესყიდვის ობიექტია: ერთი ერთეული მე-2 კლასის მსუბუქი ავტომანქანა ქვემოთ მოცემული მინიმალური და დამატებითი ტექნიკური მოთხოვნებით **Ford Focus**

N	მე-2 კლასის მსუბუქი ა/მანქანა	მინიმალური ტექნიკური მახასიათებლები
1	ცხენის ძალა არანაკლებ	105 120
2	გადაცემათა კოლოფი	მექანიკური, არანაკლებ 5-საფეხურიანი 6 საფეხურიანი, მექანიკური
3	სიგრძე არანაკლებ	4483 4647
4	სიგანე არანაკლებ	1760 1979
5	სიმაღლე არანაკლებ	1445 1452
6	საგარანტიო პერიოდი	5 წელი ძირითად აგრეგატებზე (ძრავა, ხიდი, გადაცემათა კოლოფი), 3 წელი ან 150000 კილომეტრი (რომელიც ადრე შესრულდება) სრულ ავტომანქანაზე, გარდა სწრაფცვლადი ნაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი ჯაგრისები, გადაცემათა კოლოფის გადაბმულობის ქურო, გადაცემათა კოლოფის მომჭიმი საკისარი, გადაცემათა კოლოფის გადაბმულობის დისკი და საყრდენი დისკი); შეესაბამება
7	უსაფრთხოების დამადასტურებელ დოკუმენტად შეიძლება ჩაითვალოს შემოთავაზებული მოდელის ნებისმიერ მოდიფიკაციაზე აღებული შესაბამისი ქრამტესტის სერტიფიკატი	NCAP (ევრო ქრამტესტი), IIHS (ამერიკული ქრამტესტი) ან JNCAP (იაპონური ქრამტესტი) ევროქრამტესტი, იხილეთ ქრამტესტის მიმნიჭებელი ორგანიზაციის ოფიციალურ ვებ გვერდზე, ლინკი: https://www.euroncap.com/en/results/ford/focus/38092
8	ელექტროშუშები	ოთხივე ოთხივე
9	აუცილებელი მოთხოვნა	სათადარიგო საბურავი აქვს
10	აუცილებელი მოთხოვნა	მინიმუმ 4 უსაფრთხოების ბალიში არანაკლებ 4
11	აუცილებელი მოთხოვნა	კონდიციონერი კი
12	აუცილებელი მოთხოვნა	აუდიოსისტემა კი
13	აუცილებელი მოთხოვნა	საჭის გამაძლიერებელი კი

14	აუცილებელი მოთხოვნა	ABS	კი
15	აუცილებელი მოთხოვნა	უკანა საქარე მინის ელ. გათბობა	კი
დამატებითი მოთხოვნები			
16	გამოშვების წელი არანაკლებ	2019	2019
17	საწვავის ტიპი	ბენზინი	კი
18	საჭის მდებარეობა	მარცხენა	კი
19	სალონის კარების რაოდენობა	ოთხი	ოთხი
20	სალონის ფეხსაგები ხალიჩა (რეზინის)	ერთი კომპლექტი	კი

ფერი: თეთრი; ან რუხი (ნაცრისფერი) ან ვერცხლისფერი ან სხვა ფერი მიმწოდებლის გადაწყვეტილებით (შავის გარდა)

შენიშვნა:

- პრეტენდენტს შეუძლია, შეთავაზებისას გააუმჯობესოს მინიმალური ტექნიკური მოთხოვნები (გაუმჯობესებულ ვარიანტად ჩაითვლება ცხენის ძალის ზრდა, ავტომატური კოლოფის შეთავაზება, მექანიკური კოლოფის შემთხვევაში, 5 საფეხურზე მეტი გადაცემის შემთხვევა, საწვავის ტიპი – ჰიბრიდი), მაგრამ აღნიშნული არ წარმოადგენს მონაწილის უპირატესობას და ყველაზე დაბალი ფასისა და შესყიდვის დოკუმენტაციასთან შესაბამისობაში მყოფი პრეტენდენტი ცხადდება გამარჯვებულად შესაბამისი პროცედურის დაცვით.
- შემოთავაზებული ავტომობილები უნდა იყოს ახალი, ექსპლუატაციაში არმყოფი, ნივთობრივად და უფლებრივად უნაკლო და განბაჟებული. ამასთან, მიმწოდებელმა საკუთარი ხარჯებით უნდა უზრუნველყოს ავტომობილების შემსყიდველზე გადაფორმება; შესაბამება

ცხრილი N1

შესყიდვის ობიექტი	ავტომანქანის მარკა, მოდელი, მწარმოებელი ქვეყანა	რაოდენობა (ცალი)	ერთი ავტომანქანის ღირებულება (ლარი)	ავტომობილის საგარანტიო მომსახურების ღირებულებ 150 ათას კმ გარბენზე (ლარი)	ერთი ავტომანქანის მიმმართველი საწვავის ღირებულება 150 ათას კმ გარბენზე *	ავტომანქანის ფლობის ღირებულება (ლარი)	
						ერთი ავტომანქანის (4 + 5 + 6)	სულ: (7 X 3)
1	2	3	4	5	6	7	8
მე-2 კლასის მსუბუქი ავტომანქანა	მარკა ფორდი; მო- დელი ფოკუსი; ქვე ყანა გერმანია/ესპა ნეთი	1	47 417,50	8 182,50	11 100.00	66 700.0	66 700.00
ჯამი:							

შენიშვნა: შერეული წვა 100 კმ-ზე შეადგენს 3,7ლ, შესაბამისად 150 კმზე -5,55 ლიტრს.

* - იანგარიშება შერეული წვის პირობებში საავსპორტო წვის მაჩვენებლისა და ერთი ლიტრი საწვავის პირობითი ფასის - „2“-ის ნამრავლი 150000 კმ-ზე.
მაგ: თუ ავტოსატრანსპორტო საშუალების საწვავის შერეული წვის პირობებში საავსპორტო მაჩვენებელი 100 კმ-ზე, პირობითად, შეადგენს 8 ლიტრს, მისი დაანგარიშება 150000 კმ-ზე განიორციელება შემდეგნაირად:
 $150000 / 100 \times 8 \times 2 = 24\,000$.

შენიშვნები:

- ავტომობილის ღირებულება მოცემულია აქციზის გადასახადის გათვალისწინებით (მსუბუქ ავტომობილებზე დღგ-ს გადასახადი არ მოქმედებს); ზემოთ მოცემული ცხრილის მე-5 სვეტით გათვალისწინებული მომსახურების და ავტონაწილების ღირებულება გათვალისწინებულია დღგ-ს ჩათვლით;
- შემოტავაზებული ფასი უნდა მოიცავდეს საქონლის სრულყოფილად მიწოდებისათვის აუცილებელ ყველა ხარჯს, მათ შორის: იმპორტირებასთან დაკავშირებულ ხარჯებს, ა/მანქანის სახელმწიფო სანომრე ნიშნებისა და შემსყიდველის სახელზე სახელმწიფო რეგისტრაციასთან დაკავშირებულ ხარჯებს და ტრანსპორტირების ხარჯებს შემსყიდველის მისამართზე.
- საგარანტიო მოთხოვნები: 5 წელი ძირითად ავრეგაბებზე (ძრავი, ხიდი, გადაცემათა კოლოფი), 3 წელი ან 150000 კილომეტრი (რომელიც ადრე შესრულდება) სრულ ავტომანქანაზე, გარდა სწრაფგვეთადი ნაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომგვებლები, შუშის საწინდო ჯაგისები, გადაცემათა კოლოფის გადამმულობის ქურო, გადაცემათა კოლოფის მომჭიმი საკისარი, გადაცემათა კოლოფის გადამმულობის დისკი და საყრდენი დისკი);

ცხრილი #2

ავტომობილის საგარანტიო მომსახურების ღირებულების ცხრილი 150 000 კმ გარბენზე

ღირებულება ერთ ჯერზე, განსაზღვრული პერიოდულობის შესაბამისად, 150000 კმ გარბენზე																				
#	სათადარიგო ნაწილების დასახელება	ერთ ჯერზე შესაძლოა დაზარალებული იქნას	ერთ საჭიროების შემთხვევაში ღირებულება	10000	20000	30000	40000	50000	60000	70000	80000	90000	100000	110000	120000	130000	140000	150000	ჯამი	
1	ძრავის ზეთის ხარჯი 5W20 (3.7L)	3,7	25	112,5	112,5	112,5	112,5	112,5	112,5	112,5	112,5	112,5	112,5	112,5	112,5	112,5	112,5	112,5	1 687,50	
2	ძრავის ზეთის ფილტრების ხარჯი	1	28	28	28	28	28	28	28	28	28	28	28	28	28	28	28	28	420,00	
3	პაერის ფილტრის ხარჯი	1	60	68	68	68	68	68	68	68	68	68	68	68	68	68	68	68	476,00	
4	საწვავის ფილტრი	-----	8	-----	-----	-----	-----	-----	-----	-----	-----	-----	-----	-----	-----	-----	-----	-----	-	
5	წინა სამუხრუჭე ხუნდების ხარჯი	1	315	28	343	343	343	343	343	343	343	343	343	343	343	343	343	343	2 401,00	
6	უკანა სამუხრუჭე ხუნდების ხარჯი	1	280	40	320	320	320	320	320	320	320	320	320	320	320	320	320	320	2 240,00	
7	სალონის ფილტრის ხარჯი	1	100	12	112	112	112	112	112	112	112	112	112	112	112	112	112	112	784,00	
8	ანთების სახილავი	3	25	12	-----	-----	-----	-----	87	-----	-----	-----	-----	-----	87	-----	-----	-----	174,00	
9	ძრავის ლავი	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-	
ჯამი ლავი:				140,50	983,50	140,50	983,50	140,50	1 070,50	140,50	983,50	140,50	983,50	140,50	1 070,50	140,50	983,50	140,50	8 182,50	

შენიშვნები:

1. ამა თუ იმ კომპენტის ცვლის პერიოდულობა უნდა დადგინდეს პრეტენდენტის მიერ, შემოთავაზებული ავტომატის მწარმოებლის რეკომენდაციის გათვალისწინებით.
2. მოცემული ფასები მოიცავს საქართველოს კანონმდებლობით გათვალისწინებულ ყველა გადასახადს, დღგ-ს ჩათვლით.
3. 150 ათას კილომეტრზე ფლობის დირექტორების ფარგლებში, მიმწოდებელი ვალდებულია, მიმწოდებელს მიაწოდოს ხუნდები, საჭიროების შემთხვევაში, წინა – სულ მცირე, შვიდჯერ, ხოლო უკანა – სულ მცირე, ოთხჯერ.
4. მე-2 პუნქტით განსაზღვრული ოდენობის ამოწურვის შემდგომ, ხუნდების ყოველი შემდგომი შესყიდვა ანაზღაურებული იქნება შემსყიდველის მიერ არა დადგენილი ფლობის დირექტორების ფარგლებიდან, არამედ ავტოტექნიკოსების დაბატებით გაფორმებული ხელშეკრულების გათვალისწინებით.
5. მიმწოდებელი ვალდებულია უსაყიდლოდ განახორციელოს დადგენილი ფლობის ფარგლებში იმ კომპონენტების შეცვლა ან/და მომსახურება, რომელიც რეკომენდირებულია ქარხანა-დამამზადებლის მიერ მაგრამ არ იქნა გათვალისწინებული პრეტენდენტის მიერ ფლობის დირექტორებში.
6. მე-3 პუნქტით გათვალისწინებულ კომპონენტში არ შედის სწრაფგეგმადი ნაწილები (ანტენები, ფორები, საბურავები, ელექტრონათურები, ელექტრომცველები, შუშის საწმენდი ჯაგისები, გადაცემათა კოლოფის გადამხელობის ქურო, გადაცემათა კოლოფის მოქიმი საკისარი, გადაცემათა კოლოფის გადამხელობის დისკი და საყრდენი დისკი).
7. პრეტენდენტი უფლებამოსილია ცხრილ N2-ში ჩამატოს (განსაზღვროს) ის გეგმიური საგარანტო მომსახურებ(ებ)ი (მაგალითად საწვავის ფილტრი, ხიდის ზეთი და ა.შ.), რომლებიც არ არის მოცემული აღნიშნულ ცხრილში.
8. პრეტენდენტის მიერ წარდგენილი სერვისის მომსახურების განფასება ძალაში უნდა იყოს ავტომობილის საგარანტო პერიოდის ამოწურვამდე ფლობის განმავლობაში.

შპს ჯი-თი მობილს

(პრეტენდენტის დასახელება)

თემურ უსტიაშვილი დირექტორი

(უფლებამოსილი პირის სახელი, გვარი, თანამდებობა)

(უფლებამოსილი პირის ხელმოწერა)

**ინფორმაცია გარანტიის ვადების და
პირობების შესახებ**

შპს „ჯი-თი მოტორს“-ი აღწევს შემსყიდველს გარანტიას 5 წელი ძირითად აგრეგატებზე (ძრავი, ხიდი, გადაცემათა კოლოფი). 3 წელი ან 150 000 კილომეტრ გარბენზე (რომელიც ადრე შესრულდება) სრულ ავტომანქანაზე, გარდა სწრაფცვლადი ნაწილებისა და მასალებისა (ელექტრონათურები, ელექტრომცველები, შუშის საწმენდი ჯაგრისები, გადაბმულობის ქურო, საყრდენი დისკი და მომჭიმი საკისარი); 150 ათას კილომეტრზე ფლობის ღირებულების ფარგლებში, (თუ მიმწოდებლის მიერ შევსებულ თანმდევი მომსახურების ცხრილში ქვემოთ მოთხოვნილზე ნაკლები ჯერადობაა გათვალისწინებული) მიმწოდებელი ვალდებულია, შემსყიდველს მიაწოდოს ხუნდები, საჭიროების შემთხვევაში, წინა – სულ მცირე, შვიდეჯერ, ხოლო უკანა – სულ მცირე, ოთხჯერ; მიმწოდებელი ვალდებულია, უსასყიდლოდ განახორციელოს დადგენილი ფლობის ფარგლებში იმ კომპონენტების შეცვლა ან/და მომსახურება, რომელიც არ იქნება გათვალისწინებული ფლობის ღირებულებაში; გათვალისწინებულ კომპონენტში არ შედის სწრაფცვლადი ნაწილები (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი ჯაგრისები, გადაცემათა კოლოფის გადაბმულობის ქურო, გადაცემათა კოლოფის მომჭიმი საკისარი, გადაცემათა კოლოფის გადაბმულობის დისკი და საყრდენი დისკი); (აღნიშნული პირობების შესრულების ვალდებულებისაგან მიმწოდებელი განთავისუფლებს იმ შემთხვევებში, თუ დადგინდა, რომ: შემსყიდველის მიერ დარღვეული საგარანტიო მომსახურების პირობები: -თუ შემსყიდველის მიერ დარღვეულია თანმდევი სერვისული მომსახურების პერიოდულობა/ვადები;- თუ გამოსაცვლელ დეტალს აღნიშნება არასწორი ექსპლუატაციი და/ან გარეგანი, მექანიკური (მათ შორის ქიმიური) ზემოქმედების კვალი); საგარანტიო პერიოდის განმავლობაში მიმწოდებელი ვალდებულია, ავტომობილზე გამოვლენილი ნებისმიერი საწარმოო დეფექტის აღმოფხვრა, შეკეთება ან დეფექტური დეტალის აგრეგატის ახლით შეცვლა განახორციელოს საკუთარი სახსრებით, შემსყიდველის მიერ წერილობითი მოთხოვნიდან და სატრანსპორტო საშუალების სერვისში წარმოდგენიდან არაუმეტეს 5 (ხუთი) სამუშაო დღის ვადაში. აღნიშნული ვადა, მხარეთა შეთანხმებით შესაძლებელია განისაზღვროს არაუმეტეს 30 კალენდარული დღით, რაც გამონაკლის, ობიექტური აუცილებლობით გამოწვეულ შემთხვევაში, გაიზრდება გონივრული ვადით. საგარანტიო პირობებით განსაზღვრული მოთხოვნები, ძალაში მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა. ამასთან, საგარანტიო პერიოდში ტექ-მომსახურების გაწევისას გამოყენებული სათადარიგო ნაწილები/საცხებ-საპოხი მასალები უნდა იყოს მწარმოებლის მიერ რეკომენდებული ახალი (ექსპლუატაციაში არმყოფი); საგარანტიო ფარგლებში, თანმდევი მომსახურების განხორციელება უნდა მოხდეს ფასების ცხრილში დაფიქსირებული მაჩვენებლების შესაბამისად. მიმწოდებელმა გემიური მომსახურების ჩატარება უნდა უზრუნველყოს შემსყიდველის მოთხოვნიდან არაუგვიანეს 2 სამუშაო დღის განმავლობაში;

გარანტიის შენარჩუნების მიზნით შემსყიდველი ვალდებულია:

-ა) შემსყიდველი ვალდებულია საგარანტიო პერიოდის განმავლობაში ავტომობილს და მის ნებისმიერ აღჭურვილობას ნებისმიერი სახის ტექნიკური მომსახურება ჩაუტაროს და ნებისმიერი სათადარიგო ნაწილები შეიძინოს მხოლოდ შ.პ.ს. “ჯი-თი მოტორს“-ის სერვის ცენტრებში; ტექმომსახურება გაწეული იქნება თბილისში (დაღმაშენებლის ხეივანის #163) და ბათუმში: სულხან საბა ორბელიანის 21-ში. საგარანტიო კატეგორიის სერვისი ჩატარდება მხოლოდ თბილისის სერვის ცენტრში. სერვისამდე ავტომობილის წარდგენა შემსყიდველის ვალდებულებაა.

-ბ) შემსყიდველი ვალდებულია საგარანტიო ვადის განმავლობაში დაიცვას თანმდევი საგარანტიო პერიოდული მომსახურების პირობები და პერიოდულობა, ასევე, შემსყიდველმა უნდა განახორციელოს ხეობის სავალდებულო შეცვლა პირველ 10 000 კმ გარბენზე და შემდგომ ყოველ 10 000 კმ გარბენზე ან 6 თვეში ერთხელ, რომელი ვადაც უფრო ადრე დადგება;

-ღ) შემსყიდველი ვალდებულია არ მოახდინოს გარბენის მრიცხველის ნებისმიერი მიზეზით გათიშვა ან ცვლილება, ასევე აკრძალულია ქარხნულად დალუქული დეტალების ლუქის მოღიწობის დარღვევა;

ყველა ზემოთაღნიშნულ მოთხოვნათა დარღვევის აღმოჩენის შემთხვევაში მიმწოდებელი უფლებამოსილია ვადაზე ადრე შეწყვიტოს გარანტია;

გარანტია არ ვრცელდება სათადარიგო ნაწილებზე, რომლებიც სწრაფცვლადი დეტალების ნუსხას მიეკუთვნება, კერძოდ:

ზეთებზე, საცხებ-საპოხ მასალებზე, ფილტრებზე, სამუხრუჭე ხუნდებზე, ანთების/გახურების სანთლებზე;

სამუხრუჭე დისკებზე; სტაბილიზატორის და სხვა რეზინებზე;

შეჭიდულობის ქურო, საყრდენ დისკსა და მომჭიმ საკისარზე (სცეპლენიაზე)

გადაბმულობის ამჟოლ და მიმჟოლ რგოლზე (ე.წ. ფრიქციონებზე)

ელექტრო ნათურებსა და დამცველებზე;

გენერატორის და კონდიციონერის ღვედებზე;ფრეონზე;შუშის საწმენდ ჯაგრისებზე;

გარანტია არ ვრცელდება ე.წ ფარსუნკებზე თუ ნაპონია წყლის კვალი ან დაზიანება გამოწვეულია უხარისხო საწვავის მოხმარებით.

გარანტია არ ვრცელდება შემდეგ სამუშაოებზე და გარემოებებზე:

დიაგნოსტიკისთან და სამუხრუჭე სტენდზე შემოწმებასთან დაკავშირებულ სამუშაოებზე;

საბურავებზე, საბურავის სარქველზე, წნევის სენსორსა და სავალი ნაწილის გეომეტრიის კორექტირებაზე (ე.წ.

რაზვალ-სხოდზე);

იმ სტრუქტურული და სათადარიგო ნაწილების დაზიანებებზე, რომლებიც გამოწვეულია სწრაფცვლადი დეტალების (მაგ:საყრდენი დისკის, ხუნდის, საწვავის ფილტრის და ა.შ) დროულად გამოცვლადობით

კარების, კოპოტის, საბარგულის სახურავის, ლუქის სახურავის რეგულირებაზე;

ფარების განათების რეგულირებაზე;

დაზიანებაზე, რომელიც არის გამოწვეული მძღოლის მიერ ავტომობილის ექსპლუატაციის წესების

დარღვევით;როდესაც დაზიანებულ და მასთან მიზეზ-შედეგობრივად დაკავშირებულ ნაწილს აღნიშნება მექანიკური,

თერმული ან სხვაგვარი გარეგანი ზემოქმედების კვალი, ავტომობილის მწარმოებლის მიერ დადგენილი ზღვრული

ტვირთაძვლების გადამტებით გამოწვეულ დაზიანებებზე

საავტომობილო შემთხვევებით, შეჯახებით, ხანძრით ან აფეთქებით, ყინვის ზემოქმედებით გამოწვეულ

სათადარიგო ნაწილის დაზიანებაზე.

მანქანის როგორც ელექტრო ენერგიის სტაციონარულ წყაროდ გამოყენების შედეგად გამოწვეულ დაზიანებებზე;

ავტომობილის საქარხნო ელექტრო და მექანიკურ კომპონენტებში ცვლილებების შეტანის გამო გამოწვეულ დაზიანებაზე;

თვითნებურად დამონტაჟებული ნაწილებზე, რომლებიც მწარმოებლის მიერ არ არის დამონტაჟებული, მაგალითად, ბოჭკოვან ტელეფონებზე, სიგნალიზაციებსა, ავტომატური ჩართვის სისტემებზე და სხვა.

წყალში ღრმად ტარების შედეგად გამოწვეულ დაზიანებებზე.

მწარმოებლის სტანდარტებთან შეუსაბამო საწვავის, ზეთების, გამაგრილებელი, სამუხრუჭე, ჰიდრაულიკის და სხვა სითხეების გამოყენების შედეგად გამოწვეულ დაზიანებებზე. ბუნებრივი ცვეთით გამოწვეულ დაზიანებებზე;

ბუნებრივი ცვეთით გამოწვეულ დაზიანებებზე;

აკუმულატორზე გრძელდება გარანტია 6 თვის ვადით ან 20 000 კმ გარბენზე, რომელი ვადაც ადრე დადგება;

პრეტენდენტის სატენდერო წინადადების გამარჯვების შემთხვევაში, საგარანტიო პირობების დანართი, ჩაითვლება მომავალში გასაფორმებელი სახელმწიფო შესყიდვის შესახებ ხელშეკრულების შემადგენელ ნაწილად და დაერთვის მას, როგორც მისი განუყოფელი ნაწილი.

პრეტენდენტი: შპს ჯი-თი მოტორს

ანგარიშსწორების და სხვადასხვა პირობები

შემოთავაზებული ავტომობილი არის მარცხენასაჭიანი, ახალი, არაუადრეს 2019 წლის გამოშვების, ექსპლუატაციაში არმყოფი, ნივთობრივად და უფლებრივად უნაკლო.

მიმწოდებელი ვალდებულია უზრუნველყოს სატრანსპორტო საშუალების უკან გაწვევა იმ შემთხვევაში თუ სატრანსპორტო საშუალების მწარმოებელი ქარხანა საწარმოო დეფექტის აღმოჩენის შემთხვევაში განახორციელებს შესაბამის ღონისძიებებს სატრანსპორტო საშუალების უკან გაწვევის მიზნით; (უკან გაწვევაში იგულისხმება მწარმოებლის მიერ ან მისი რეკომანდაციით დეფექტის აღმოფხვრა);

თუ, პრეტენდენტის მიერ შევსებულ თანმდევი მომსახურების ცხრილში, პრეტენდენტის მიერ სხვა პერიოდულობა იქნა მოცემული და საჭირო გახდა 150 ათას კილომეტრზე ფლობის ღირებულების ფარგლებში, ცხრილში მითითებულ პერიოდულობაზე მეტჯერ ხუნდების მიწოდება, მიმწოდებელი ვალდებულია თავისი ხარჯით შემსყიდველს დამატებით მიაწოდოს ხუნდები, საჭიროების შემთხვევაში, წინა სულ მცირე შვიდ ჯერადობამდე, ხოლო უკანა სულ მცირე ოთხ ჯერადობამდე, (გარდა იმ შემთხვევისა, თუ შემსყიდველის მიერ დარღვეულია საგარანტიო მომსახურების პირობები და სავალდებულო პერიოდული მომსახურებების ვადები და/ან თუ გამოსაცვლელ დეტალს აღენიშნება გარეგანი, მექანიკური დაზიანების კვალი).

მიმწოდებელი ვალდებულია უსასყიდლოდ განახორციელოს დადგენილი ფლობის ფარგლებში იმ კომპონენტების შეცვლა ან/და მომსახურება, რომელიც რეკომენდირებულია ქარხანა-დამამზადებლის მიერ მაგრამ არ იქნა გათვალისწინებული პრეტენდენტის მიერ ფლობის ღირებულებაში (დანართ N2-ში). გარდა სწრაფცვლადი ნაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი ჯაგრისები, გადაცემათა კოლოფის გადამბულობის ქურო, გადაცემათა კოლოფის მომჭიმი საკისარი, გადაცემათა კოლოფის გადამბულობის დისკი და საყრდენი დისკი; გარდა გამონაკლისი შემთხვევებისა, როცა შემსყიდველის მიერ დარღვეულია საგარანტიო მომსახურების პირობები და სავალდებულო პერიოდული მომსახურებების ვადები და/ან თუ გამოსაცვლელ დეტალს აღენიშნება გარეგანი, მექანიკური დაზიანების კვალი);

საქონლის მიწოდება განხორციელდება არაუგვიანეს 120 კალენდარული დღის ვადაში ხელშეკრულების გაფორმებიდან.

საგარანტიო-სერვისული მომსახურების გაწევა განხორციელდება საგარანტიო პერიოდში. მიმწოდებელმა ავტომანქანის მიწოდება უნდა უზრუნველყოს შემსყიდველის მისამართზე: საქართველო, ქ. თბილისი, რუსთაველის გამზ. #52

მიმწოდებელმა თანმდევი საგარანტიო-სერვისული მომსახურების გაწევა უნდა განახორციელოს ქ. თბილისში მდებარე ავტორიზებულ სერვის ცენტრში. თანმდევი საგარანტიო მომსახურების განხორციელება უნდა მოხდეს ფასების ცხრილში დაფიქსირებული მაჩვენებლების შესაბამისად. მიმწოდებელმა გეგმიური მომსახურების ჩატარება უნდა უზრუნველყოს შემსყიდველის მოთხოვნიდან არაუგვიანეს 2 სამუშაო დღის განმავლობაში;

ანგარიშწორება განხორციელდება ავანსის სახით. მიმწოდებელი ვალდებულია, შემსყიდველ ორგანიზაციას წარმოუდგინოს მათ შორის გაფორმებული სახელმწიფო შესყიდვის შესახებ ხელშეკრულების საერთო ღირებულების 100%-ის ოდენობით საბანკო გარანტია. მიმწოდებელმა წინასწარი ანგარიშსწორებისათვის საჭირო საბანკო გარანტია უნდა წარმოადგინოს სახელმწიფო შესყიდვის შესახებ ხელშეკრულების გაფორმებიდან 3 სამუშაო დღეში.

შემსყიდველის მიერ წინასწარი ანგარიშსწორება განხორციელდება საბანკო გარანტიის წარმოდგენიდან არაუგვიანეს 10 სამუშაო დღის ვადაში.

წინასწარი ანგარიშსწორების გარანტიის მოქმედების ვადა არანაკლებ 30 დღით უნდა აღემატებოდეს ხელშეკრულებით გათვალისწინებული საქონლის მიწოდების ვადას.

პრეტენდენტი

შპს ჯი-თი მოტორს